

ԱՐՁԱՆԱԳՐՈՒԹՅՈՒՆ N 18

ԵՊՀ Աշխարհագրության և երկրաբանության ֆակուլտետի 2025 թվականի
հունիսի 4-ին կայացած գիտական խորհրդի N 18 նիստի

Նախագահ – Ս.Ս.Քելյան

Քարտուղար – Ե.Ս.Մանուկյան

Ներկա էին՝ 32 անդամներից 28-ը (ցուցակը կցվում է)

Աշխարհագրության և երկրաբանության ֆակուլտետի դեկան Ս.Ս.Քելյանը
հայտարարեց քվեակազմի առկայության մասին և քվեարկության դրեց նիստի օրակարգը:

Օրակարգ

1. Մերվիսի ամբիոնի վարիչի թափուր պաշտոնի տեղակալման համար մրցութային ընտրություն
2. Ռեզիդենտ երկրաբանության և օգտակար հանածոների հետախուզման ամբիոնի վարիչի թափուր պաշտոնի տեղակալման համար մրցութային ընտրություն
3. Ընթացիկ հարցեր

Գիտական խորհրդի նիստի օրակարգը հաստատելուց հետո

1. ՀՄԵՑԻՆ. Աշխարհագրության և երկրաբանության ֆակուլտետի դեկան Սարգիս Քելյանի
հաղորդումը **Մերվիսի ամբիոնի վարիչի թափուր պաշտոնի համար
հայտարարված մրցույթի վերաբերյալ:** Նա հրապարակեց ընտրությամբ
համալրվող պաշտոնների ցանկը և հավակնորդների տվյալները: Դեկան
Ս.Քելյանը նշեց նաև, որ «Մերվիս» ամբիոնի վարիչի թափուր պաշտոնի
մրցույթին մասնակցելու համար **դիմել է մեկ թեկնածու՝** աշխարհագրական
գիտությունների թեկնածու, դոցենտ Սեյրան Ռաֆիկի Սուվարյանը:

ՀՄԵՑԻՆ. Աշխարհագրության և երկրաբանության ֆակուլտետի **մրցութային հանձնաժողովի
նախագահ դոց.Ա.Հ.Պոտոսյանի** հաղորդումը «Մերվիս» ամբիոնի դոցենտ,
աշխարհագրական գիտությունների թեկնածու, դոցենտ Սեյրան Ռաֆիկի
Սուվարյանի կողմից ամբիոնի վարիչի թափուր պաշտոնի մրցույթին

մասնակցելու դիմումի վերաբերյալ՝ ուղղված ԵՊՀ ռեկտորին: Դոց.Ա.Հ.Պոտոսյանը նշեց, որ դոց.Ս.Ռ.Սուվարյանի մասնագիտական որակներն ու գիտամանկավարժական գործունեությունը ինչպես նաև աշխատանքային ստաժն ու ներկայացված փաստաթղթերը բավարարում են «Երևանի պետական համալսարան» հիմնադրամի ամբիոնի վարիչի ընտրության ընթացակարգով սահմանված պահանջներին:

ԱՌԱՋԱՐԿԵՑԻՆ. «Սերվիս» ամբիոնի վարիչի թափուր պաշտոնում ընտրվելու հավակնորդ դոց.Ս.Ռ.Սուվարյանի ծրագրային ելույթի, հարց ու պատասխանի, քննարկումների և ամփոփիչ ելույթի տևողությունը սահմանել 15-20 րոպե:

ԼՍԵՑԻՆ. «Սերվիսի» ամբիոնի վարիչի թափուր պաշտոնում ընտրվելու հավակնորդ դոց.Սեյրան Ռաֆիկի Սուվարյանի ծրագրային ելույթը, որի ընթացքում նա ներկայացրեց ամբիոնում աշխատակիցների մասնագիտական որակների բարձրացման, մասնագիտական զարգացմանը նպաստող աշխատանքային միջավայրի ձևավորման և աշխատակիցների ինքնազարգացմանն ուղղված տեսլականը: Հրապարակեց կրթության զարգացմանն ուղղված կետերը և դրանց հետևողական իրականացման արդյունքում ակնկալվող դրական ձեռքբերումները: Հավակնորդ դոց.Ս.Ռ.Սուվարյանը կարևորվեց ամբիոնի դասախոսների խրախուսումն ու գիտական հոգվածների հրապարակման խթանումը, ինչպես նաև մասնագիտական հայալեզու գրականության ստեղծումը: Ներկայացրեց միջազգային մասշտաբի գիտական միջոցառումների, սեմինարների և գիտաժողովների կազմակերպման, սերվիսագիտության մեթոդաբանության զարգացման շարունակականության միտումը: Ծանոթացրեց համագործակցության ծրագրերին, որոնք նպատակ ունեն խորացնել միջֆակուլտետային համագործակցությունը ԵՊՀ շրջանակներում, ինչպես նաև ամրապնդելու արտասահմանյան գործընկերների հետ ձեռքբերված կապերը և ստեղծել նոր կապեր, զարգացնել գործատուների և աշխատաշուկայի հետ փոխհարաբերությունները:

Խոսքն ամփոփելով՝ հավակնորդ դոց.Սեյրան Սուվարյանը շնորհակալություն հայտնեց ֆակուլտետի դեկան Ս.Ս.Քելյանին, գրասենյակի դեկավար-դեկանի տեղակալ

Գ.Փ.Ալեքսանյանին ինչպես նաև աշխատակիցներին՝ համագործակցելու և օժանդակելու համար (ծրագրային ամբողջական ելույթը կցվում է):

ՀԱՐՑԵՐ ՏՎԵՑԻՆ. Քարտեզագրության և գեոմորֆոլոգիայի ամբիոնի վարիչի ժամանակավոր պաշտոնակատար Ա.Ս.Փիլոյանը հետաքրքրվեց

1. Ի՞նչ վերջնարդյունք կունենա դիմորդը **«Մերվիս»** մասնագիտությունն ընտրելիս:
2. Արդյո՞ք **«Մերվիս»** մասնագիտության մագիստրատուրայի կրթական ծրագիրը վերաձևակերպման կարիք չունի:
3. Քարտեզագրության և գեոմորֆոլոգիայի ամբիոնի պրոֆ.Պ.Ս.Էֆենդյանի հարցը վերաբերում էր **«Մերվիսի»** մասնագիտության գրավչությանը:

ՊԱՏԱՍԽԱՆԵՑԻՆ. Հավակնորդ դոց.Ս.Ռ.Սուվարյանը

1. ընդունեց, որ հասարակության մեջ կա **«Մերվիս»** մասնագիտության, բովանդակության ընկալման տարակարծություն, ինչը փոխելու համար պահանջվում է ժամանակ: Կոչ արեց միանալ մասնագիտության ընկալման փոփոխության ուղղությամբ տարվող բարդ գործին: Մինևույն ժամանակ դոց.Ս.Ռ.Սուվարյանը նշեց, որ **«Մերվիս»** մասնագիտության լավագույն կրթությունը տալիս է ԵՊՀ-ն:
2. - **«Մերվիս»** մասնագիտության մագիստրատուրայի կրթական ծրագրերում անընդհատ իրականացվում են փոփոխություններ՝ համապատասխանեցնելով դրանք ժամանակի և շուկայի պահանջներին,-նշեց հավակնորդը:
3. դոց.Ս.Ռ.Սուվարյանը նշեց, որ **«Մերվիս»** մասնագիտության «գրավչության ապահովումը» բազմաբաղադրիչ է, որտեղ մեծ դեր ունեն ուսման վարձը, կրթական ծրագրում ընդգրկված դասընթացների քանակը, դրանց բարդության աստիճանը և այլն:

ԵԼՈՒՅԹ ՈՆՆԵՑԱՆ. Աշխարհագրության և երկրաբանության ֆակուլտետի **դեկան Ս.Ս.Քեյյանը** խոսեց ամբիոնի պոտենցիալի մասին, **«Մերվիս»** մասնագիտության ոչ միանշանակ ընկալման և կրթական ծրագրերի փոփոխությունների վերաբերյալ: Համաձայնեց, որ լավագույն կրթությունը **«Մերվիս»** մասնագիտության ուղղությամբ տալիս է ԵՊՀ-ն և հույս հայտնեց, որ հավակնորդի կողմից ներկայացրած ծրագիրը կբերի **«Մերվիս»** ամբիոնի գիտական պոտենցիալի բարձրացմանը և դիմորդների թվի դրական դինամիկայի:

ԱՌԱՋԱՐԿԵՑԻՆ. Փակ, գաղտնի քվեարկություն անցկացնելու համար ընտրել հաշվիչ հանձնաժողով հետևյալ կազմով. նախագահ՝ դոց.Մարինե Սարգսի Մկրտչյան, անդամներ՝ դոց.Եսթեր Սոսի Մանուկյան, մագիստրատուրայի 2-րդ կուրսի ուսանող Հովհաննես Արծրունի Հովհաննիսյան:

ՈՐՈՇԵՑԻՆ. Փակ, գաղտնի քվեարկություն անցկացնելու համար ընտրել հաշվիչ հանձնաժողով հետևյալ կազմով. նախագահ՝ դոց.Մարինե Սարգսի Մկրտչյան, անդամներ՝ դոց.Եսթեր Սոսի Մանուկյան, մագիստրատուրայի 2-րդ կուրսի ուսանող Հովհաննես Արծրունի Հովհաննիսյան:

ԼՄԵՑԻՆ. Հաշվիչ հանձնաժողովի նախագահ դոց.Մարինե Սարգսի Մկրտչյանի հաղորդումը փակ, գաղտնի քվեարկության արդյունքների վերաբերյալ: Աշխարհագրության և երկրաբանության ֆակուլտետի գիտական խորհրդի 32 անդամներից ներկա էին 28 անդամ, քվեարկության մասնակցել են 28-ը:

«Մերվիս» ամբիոնի վարիչի պաշտոնում դոց.Սեյրան Ռաֆիկի Սուվարյանի թեկնածությանը ԿՈՂՄ են քվեարկել 24-ը, ԴԵՄ՝ 3:

Անվավեր քվեաթերթիկների քանակը՝ 1:

ՈՐՈՇԵՑԻՆ. Հաստատել հաշվիչ հանձնաժողովի հաշվետվությունը փակ, գաղտնի քվեարկության արդյունքների վերաբերյալ և «Մերվիս» ամբիոնի վարիչի պաշտոնում ընտրված համարել հավակնորդ աշխարհագրական գիտությունների թեկնածու, դոց.Սեյրան Ռաֆիկի Սուվարյանին:

Որոշումն ընդունվեց միաձայն:

2. ԼՄԵՑԻՆ. Աշխարհագրության և երկրաբանության ֆակուլտետի դեկան Սարգիս Քելյանի հաղորդումը Ռեզիոնալ երկրաբանության և օգտակար հանածոների հետախուզման ամբիոնի վարիչի թափուր պաշտոնի համար հայտարարված մրցույթի վերաբերյալ: Նա հրապարակեց ընտրությամբ համալրվող պաշտոնների ցանկը և հավակնորդների տվյալները: Դեկան Ս.Քելյանը նշեց նաև, որ «Ռեզիոնալ երկրաբանության և օգտակար հանածոների

հետախուզման» ամբիոնի վարիչի թափուր պաշտոնի մրցույթին մասնակցելու համար **դիմել է մեկ թեկնածու՝** երկրաբանական գիտությունների թեկնածու, դոցենտ Վահան Մհերի Մանուկյանը:

ԼՄԵՑԻՆ. Աշխարհագրության և երկրաբանության ֆակուլտետի **մրցութային հանձնաժողովի նախագահ դոց.Ա.Հ.Պոտոսյանի** հաղորդումը **«Ռեզիոնալ երկրաբանության և օգտակար հանածոների հետախուզման»** ամբիոնի դոցենտ, երկրաբանական գիտությունների թեկնածու, Վահան Մհերի Մանուկյանի կողմից ամբիոնի վարիչի թափուր պաշտոնի մրցույթին մասնակցելու դիմումի վերաբերյալ՝ ուղղված ԵՊՀ ռեկտորին: Դոց.Ա.Հ.Պոտոսյանը նշեց, որ դոց.Վ.Մ.Մանուկյանը մասնագիտական որակներն ու գիտամանկավարժական գործունեությունը ինչպես նաև աշխատանքային ստաժն ու ներկայացված փաստաթղթերը բավարարում են «Երևանի պետական համալսարան» հիմնադրամի ամբիոնի վարիչի ընտրության ընթացակարգով սահմանված պահանջներին:

ԱՌԱՋԱԼԿԵՑԻՆ. «Ռեզիոնալ երկրաբանության և օգտակար հանածոների հետախուզման» ամբիոնի վարիչի թափուր պաշտոնում ընտրվելու հավակնորդ դոց.Վ.Մ.Մանուկյանի ծրագրային ելույթի, հարց ու պատասխանի, քննարկումների և ամփոփիչ ելույթի տևողությունը սահմանել 15-20 րոպե:

ԼՄԵՑԻՆ. «Ռեզիոնալ երկրաբանության և օգտակար հանածոների հետախուզման» ամբիոնի վարիչի թափուր պաշտոնում ընտրվելու հավակնորդ դոց.Վահան Մհերի Մանուկյանի ծրագրային ելույթը, որի ընթացքում նա խոսեց ամբիոնում գիտահետազոտական աշխատանքների որակի բարձրացման, պրոֆեսորադասախոսական կազմի շարունակական վերապատրաստման, ոլորտի առաջատար մասնագետների ներգրավման, ուսումնական ծրագրերի արդիականացման, երիտասարդ մասնագետների և հետազոտողների սերնդափոխության մասին: Դոց.Վ.Մ.Մանուկյանը ներկայացրեց **«Ռեզիոնալ երկրաբանության և օգտակար հանածոների հետախուզման»** ամբիոնում առկա խնդիրները, դրանց լուծման համար դրված ռազմավարական նպատակները: Վերջիններիս իրագործելու համար դոց.Վ.Մանուկյանը ներկայացրեց հետևյալ քայլերը՝ նոր մրցունակ կրթական ծրագրերի մշակում, ուսումնական և

մասնագիտական պրակտիկաների իրականացման բարելավում, ապագա դիմորդների համար մասնագիտության, կրթական ծրագրերի և մասնագիտական աշխատանքի հեռանկարների պատճաշ լուսաբանում, միջդիսցիպլինար համագործակցություն, թեմատիկ ֆինանսավորմամբ մրցութային ծրագրերի մասնակցություն, ոլորտում գործող գիտահետազոտական ընկերությունների և մասնավոր կազմակերպությունների հետ համագործակցություն:

Խոսքն ամփոփելով՝ հավակնորդ Վահան Մանուկյանը շնորհակալություն հայտնեց ֆակուլտետի դեկան Ս.Ս.Քելյանին, գրասենյակի դեկավար-դեկանի տեղակալ Գ.Փ.Ալեքսանյանին ինչպես նաև աշխատակիցներին՝ համագործակցելու և օժանդակելու համար (ծրագրային ամբողջական ելույթը կցվում է):

ՀԱՐՑԵՐ ՏՎԵՑԻՆ. Քարտեզագրության և գեոմորֆոլոգիայի ամբիոնի պրոֆ.Պ.Ս.Էֆենդյանի հարցը վերաբերում էր «Մարքշեյդերական գործ» մասնագիտության անհրաժեշտությանը և կրթական ծրագրի կազմակերպմանը:

ՊԱՏԱՍԽԱՆԵՑԻՆ. Հավակնորդ դոց.Վ.Ս.Մանուկյանը ցավով արձանագրեց, որ գործող կրթական ծրագրերում նշված ոլորտին հարող որևէ դիսցիպլին տեղ չի գտել:

ԵԼՈՒՅԹ ՈՆՆԵՑԱՆ. Աշխարհագրության և երկրաբանության ֆակուլտետի դեկան Ս.Ս.Քելյանը կարևորեց «Ռեգիոնալ երկրաբանության և օգտակար հանածոների հետախուզման» ամբիոնի գիտական պոտենցիալը: Խոսեց «Մարքշեյդերական գործ» մասնագիտության ներդրման կարևորության մասին: Խոսքի ավարտին դեկան Ս.Ս.Քելյանը, բացի գիտական աշխատանքների ուղղությամբ տարվող աշխատանքներից, կոչ արեց նաև ցուցաբերել նախաձեռնողականություն գիտական աշխատանքներ իրականացնելիս՝ օգտագործելով թե՛ տեղական և թե՛ միջազգային գործընկերների ներուժը:

ԱՌԱՋԱՐԿԵՑԻՆ. Փակ, գաղտնի քվեարկություն անցկացնելու համար ընտրել հաշվիչ հանձնաժողով հետևյալ կազմով. նախագահ՝ դոց.Մարինե Սարգսի Մկրտչյան, անդամներ՝ դոց.Եսթեր Սոսի Մանուկյան, մագիստրատուրայի 2-րդ կուրսի ուսանող Հովհաննես Արծրունի Հովհաննիսյան:

ՈՐՈՇԵՑԻՆ. Փակ, գաղտնի քվեարկություն անցկացնելու համար ընտրել հաշվիչ հանձնաժողով հետևյալ կազմով. նախագահ՝ դոց.Մարինե Սարգսի Մկրտչյան, անդամներ՝ դոց.Եսթեր Սոսի Մանուկյան, մագիստրատուրայի 2-րդ կուրսի ուսանող Հովհաննես Արծրունի Հովհաննսիյան:

ԼՍԵՑԻՆ. Հաշվիչ հանձնաժողովի նախագահ դոց.Մարինե Սարգսի Մկրտչյանի հաղորդումը փակ, գաղտնի քվեարկության արդյունքների վերաբերյալ: Աշխարհագրության և երկրաբանության ֆակուլտետի գիտական խորհրդի 32 անդամներից ներկա էին 28 անդամ, քվեարկության մասնակցել են 28-ը:

«Ռեզիդնալ երկրաբանության և օգտակար հանածոների հետախուզման» ամբիոնի վարիչի պաշտոնում դոց.Վահան Մհերի Մանուկյանի թեկնածությանը **ԿՈՂՄ** են քվեարկել 27-ը, **ՂԵՄ՝ 1:**

Անվավեր քվեաթերթիկների քանակը՝ 0:

ՈՐՈՇԵՑԻՆ. Հաստատել հաշվիչ հանձնաժողովի հաշվետվությունը փակ, գաղտնի քվեարկության արդյունքների վերաբերյալ և «Ռեզիդնալ երկրաբանության և օգտակար հանածոների հետախուզման» ամբիոնի վարիչի պաշտոնում ընտրված համարել հավակնորդ երկրաբանական գիտությունների թեկնածու, դոց.Վահան Մհերի Մանուկյանին:

Որոշումն ընդունվեց միաձայն:

Գիտական խորհրդի նախագահ

Ս.Ս.Քելյան

Գիտական խորհրդի քարտուղար

Ե.Ս.Մանուկյան